

崇仁縣志卷四之首

學校志

謨訓

順治九年

命禮部頒卧碑於天下學宮置於明倫堂之左曉示生員

朝廷建立學校選取生員免其丁糧厚以廩膳設學院學道

學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲

崇仁縣志

卷四之首

學校志

謨訓

者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須

互相講究凡利國愛民之事更宜留心

一生員居心忠厚正宜讀書方有實用出仕必作良吏若

心術邪刻讀書必無成就爲官必取禍患行害人之事者

往往自殺其身常宜思省

一生員不可干求官長交結勢要希圖進身若果心善德

全上天知之必加以福

一生員當愛身忍性凡有司官衙門不可輕入卽有切已

之事止許家人代告不許干與他人詞訟他人亦不許牽

連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

欽頒訓飭士子文

國家建立學校原以興行教化作育人才典至渥也朕臨御崇仁縣志

卷四之首

學校志

謹訓

二

以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化儻盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制

官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎況夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宜猷樹績膺後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行崇仁縣志

卷四之首

學校志

謨訓

三

勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者竝宜傳集諸生多方董勸以副朕懷否則職業弗修咎亦難追勿謂朕言之不預也爾多士尚敬聽之哉

乾隆十年

欽頒訓飭士子文

士爲四民之首而太學者教化所先四方於是觀型焉比者

聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文義之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後己者果何爲而然哉今之士惟不知此以爲苟足以及應有司之求矣則無事於汲汲爲也是以至於惰遊而

崇仁縣志

卷四之首

學校志

謨訓

四

不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之粉華靡麗無足動念何患詞章聲譽之能奪志哉況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈

能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

崇仁縣志卷四之一

學校志

學宮

在北城開泰門內面城南向

宋祥符前有文宣王廟在縣治東慶曆三年始立學宮崇甯
 初令孫實爲屋六十楹大觀間令張安民重修建炎間邑
 燬於寇學爲寇所屯駐得不燬紹興十五年令鄭賓年新
 之邑人鄧勳記二十八年令孫懋復葺員外郎張漢彥記
 舊志已失嘉泰二年令趙彥紆增建殿廡堂舍諸齋作六
 齋於兩序東曰學古居仁明道西曰由義尚志好德久廢
 又勅御書閣閣初名千秀邑人何異出其家藏十三朝宸
 翰墨本置其上久廢嘉定七年令彭耕增學舍學田邑人
 李盥記十六年令范應鈴撤舊悉新之李燿記紹定三年
 燬於寇令趙啓夫新之張南軒書明倫堂額

崇仁縣志

卷四之一

學校志

學宮

一

元至元十四年學燬於寇二十一年監邑麻合謀尹韓廷玉
 協力新之延祐間尹史景讓修葺至正十二年寇又燬自
 此學地蕩然

明洪武元年知縣門時中建明倫堂櫺星門二年知縣游欽
 祖建大成殿於舊址前七年知縣王思中改造正基之上
 八年建兩廡十一年知縣王思中勅東西齋生房若干間
 久廢十九年知縣徐繩武建兩齋於堂側曰主敬明德久

廢二十六年邑人饒安劉濬劉紹建梯雲閣於明德齋左
羅師程記久廢永樂二年知縣時季照重修添造東西號
房久廢宣德七年知縣曾孟初重建明倫堂正統三年知
縣宋彬重建大成殿及兩廡六年徙道房於明倫堂後列
兩齋於堂前久廢十一年易櫺星門以石柱景泰四年知
府王宇修大成殿門及會膳堂成化元年知縣李祥改建
兩齋曰明德新民

齋右爲映雪窗庠生周翰肄業處

教諭

陳崇書重造號房東西各六間久廢三年訓導楊文璿改
會膳堂於明倫堂後久廢移文昌宮於東署內七年知縣
瞿俊十三年知縣劉忠器相繼修張元楨記宏治中知縣

崇仁縣志

卷四之一

學校志

學宮

二

葉天爵復葺嘉靖四十五年郡丞包大燿北徙大成殿於
明倫堂稍前丈餘復北徙明倫堂於學宮地盡處時申請
於上以按察分司廢址益學地堂廟門廡徙進各數丈前
門泮池繞以石欄凡學後民居悉易以官地北耆義民鄧
華明獨捐店基四間不受直一歲功成包長史自爲記碑
刻弗存隆慶二年包又建龍門鳳沼兩坊萬曆元年知縣
陳應梅闢學前南門黎邦琰記四年教諭李登建辨義井
亭於明德齋後今廢自爲記六年改書龍門鳳沼二坊曰
名儒高第今高第坊圯七年廟堂災知縣杜伸勸西耆義
民章文源建大成殿及兩廡儀門北耆義民劉君仁建明

倫堂及兩齋杜自爲記時南徙大成殿及明倫堂復還舊所又徙建啟聖祠於尊經閣後十七年劉君仁子天啟重建尊經閣二十三年知縣沈裕改題開泰門曰宮牆得門二十五年知縣陳瑛建義路禮門二坊崇禎元年復燬署同知黃夢瑞建尊經閣邑紳吳學周建大成殿義民元魁建明倫堂及明新二齋二十七都周阿吳與季嬭阮氏同建兩廡及大成門都御史易應昌記

國朝順治八年吳學周子大纓修大成殿元魁子尚質修明倫堂十五年教諭謝開芳捐建魁星閣於開泰門上康熙四十九年知縣左印喆捐修五十八年知縣馬一楨重修雍

崇仁縣志

卷四之一

學校志

學宮

三

正三年教諭裘思通捐建東署五年訓導周昇捐建西署七年知縣陶士儂率邑紳陳遇盛捐建大成門陳梅捐建西廡方潢捐建崇聖祠乾隆十八年訓導萬璜勸邑職貢生戴天秩捐修文昌宮五十六年署縣雷汾清典史錢洪本捐修節孝祠嘉慶六年知縣陳學詩率合邑各姓分修北耆陳姓建大成殿東坑嶺謝士剛墪丹墀小港黃姓建東西兩廡合邑方姓建大成門浯漳橫嶺陳姓墪大成門外石地東里朱素齋建櫺星門合邑李姓建德配天地道冠古今二坊牌西里劉姓建崇聖祠橋頭劉少山子孫建明倫堂東北耆劉愛園劉草庵子孫建魁星閣涓橋黃姓

建文昌宮

舉人陳之權

職監陳之楷捐左隅地橫九尺直六尋

卽捐卷局店後餘基竹山西坑羅規河上下港楊姓建尊

經閣二十四年竹山楊景星修葺合邑吳姓建名宦鄉賢

二祠東里彭姓建忠義祠和璧園黃杰建節孝祠三十四

都神溪陳姓建梯雲閣於開泰門上卽舊魁星樓今廢五

都廖姓建正齋衙署二十七都滄溪周論四建正齋內署

其司訓署及各處道路四面牆垣俱合邑釀貲重修

列有

樂助碑在明倫堂內

道光十九年知縣王楷率邑紳陳炳

燮黃兆槐黃士元劉詩華甘啟祥陳飛鯤袁章奏李燦芳

楊鳳階劉崇普向各戶勸捐興修共得捐錢一萬四千餘

崇仁縣志

卷四之一

學校志

學宮

四

串於道光二十年十月興工大成殿崇聖祠大成門文昌

宮魁星閣概換琉璃瓦屋上應用磁器備極堅嫩凡柱石

門壁窻櫺之屬損者換之舊者新之殊漆交輝置以金碧

唯大成殿尤極壯麗兩廡及尊經閣明倫堂暨名宦鄉賢

忠義節孝等祠亦皆修葺完固盛加粉飾又買基增建文

昌先代殿其餘各處無不整理周詳至道光二十二年五

月工竣凡捐錢至二百千以上者由縣彙名詳請咨

奏奉

旨給與獎敘有差咸豐六年至八年髮逆迭次陷城盤踞學

宮大成殿因堆積硝磺著火衝廢延及崇聖祠兩廡大成

門各處其餘未焚之地亦多殘敗同治六年二月知縣陳紀麟同教諭劉庭芬訓導湯咸有集眾紳勸捐修復段溪江蘇候補道謝希瑗兄弟首捐重貲上鄉十三都南城夏布各行並有捐輸同建大成殿厥後邑紳袁道增捐助竣事吳坊渡廣東候補道華廷傑建大成門石庄職員吳元尙建鄉賢祠并修名宦祠白陂監生袁必顯建西廡職員袁道增建東廡并捐修文昌宮舉人劉駿聲等修魁星閣邑紳袁恭宏恭定松林修泮池松林又獨修官廳及樂府二所監生劉尙德修明倫堂湯溪李欣賜修忠孝節義祠袁道增吳元尙又倡捐合眾姓修復崇聖祠惟文昌先代

崇仁縣志

卷四之一

學校志

學宮

五

殿尙須重建賢孝貞烈祠尊經閣損壞無多修整較易

舊志載據報黃沾東耆人嘉靖己未捐修 聖廟尊經

閣黃恩召東耆人雍正乙酉捐修 聖廟監生陳洪善

北耆人捐錢三百貫又其子例貢生學顯於嘉慶庚申

年捐擴縣學地基一片給胙以報詳卷局項下

舊學規模

中正爲大成殿左右爲兩廡前爲大成門門左爲神庫廩生周岷捐錫器右爲神廚又前爲櫺星門左右旁門曰義路曰禮門又前左右爲德配天地道冠古今二門又前爲城門表以宮牆得門門東爲名儒坊西爲高第坊殿後爲明

倫堂翼以兩齋東明德西新民明德齋後爲辨義并亭亭前爲宰牲房又前爲鄉賢祠名宦祠堂後爲尊經閣閣左爲敬一亭右爲會膳堂後爲啟聖祠左爲土地祠周迴圍以高垣抱以通衢爲東西火巷

按舊志載舊學舍三教諭宅在左廡東訓導二宅在右廡西皆圯年代未詳明宏治府志載學糧倉在新民齋西貯米三百六十石久廢

今學規模 下馬牌考附

正中爲大成殿殿前爲丹墀左右爲兩廡廡前左爲更衣所右爲樂器所又前爲大成門門左爲名宦祠右爲鄉賢祠

崇仁縣志

卷四之一

學校志

學宮

六

又前爲櫺星門又前爲泮池左右旁門曰義路曰禮門又前爲德配天地道冠古今坊門前楹屏牆兩端墜下馬牌題文武官員軍民人等至此往轎下馬又前爲城門門上

爲梯雲閣

因堪輿家謂學宮當以塔尖爲文峰閣擋於前眾議拆去

門內東爲名儒坊

西高第坊圯殿後爲崇聖祠賊燬餘圍牆祠後爲尊經閣

左爲文昌宮宮後爲文昌先代殿賊燬宮前爲魁星閣右

爲明倫堂堂下右折爲忠義節孝祠前爲龍門門外爲甬

道道西北爲司論署南爲司訓署又南土地祠又正南爲

儒學大門周迴圍以高垣抱以通衢先是東牆外逼近劉

陳二姓店房嘉慶六年歲貢黃洪鑑教職劉如璧舉人劉

元勳監生黃離等力圖歸公拆空以杜火患嗣貢生陳學顯獨力捐廣學地後又將捐入卷局店房捌間坐後餘基助爲公砌火巷用其劉姓店陸間至二十二年經黃洪鑑學正劉志道增生楊鍾岳恩貢李馥教職陳輔劉元燧劉崇夔舉人袁章華劉庠麟廩生陳瑞章劉朝琮職員劉崇翰生員劉起鰲袁章涵陳元英楊逢本彭模方文英吳山監生黃炳吳文炳陳洪詔黃立壇以合邑捐修本省貢院餘項玖拾貫卷局貳百貫承買歸學

舊志載下馬石牌爲康熙二十九年京口將軍張公思恭奏立者見江南通志職官部又考明史憲宗成化十
六年春二月辛酉命所在過孔門者下馬將軍殆彷彿
典爲之與

康熙二十三年

聖祖仁皇帝幸魯

御書萬世師表四字懸大成殿明年

頒天下學宮雍正四年

御書生民未有扁額頒懸各學乾隆三年

御書與天地參扁額頒懸各學嘉慶五年

御書聖集大成扁額頒懸各學道光元年

御書聖協時中扁額頒懸各學咸豐年

御書德齊載幬扁額頌懸各學同治 年

御書聖神天縱扁額頌懸各學

以上並恭懸

文廟大成殿

聖祖仁皇帝御製

至聖先師孔子贊并序

康熙二十五年

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而

崇仁縣志

卷四之一

學校志 學宮

八

在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦

秩然大經百家紛紜殊途異趣日月無踰羹牆可晤孔子之道惟中與庸此心此理千載所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高萬仞夫子之堂孰窺其藩孰窺其徑道不遠人克念作聖

聖祖仁皇帝御製顏子贊

康熙二十八年

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

崇仁縣志

卷四之一

學校志

學宮

九

曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闢知言養氣道稱堯舜學屏功利煌煌七篇並垂六藝孔學攸傳禹功作配

高宗純皇帝御製四賢贊并序 乾隆十三年

聖門弟子三千其賢者七十有二人史記家語各爲紀其姓氏考其事迹以垂之後世而能契夫子之心傳得道統之正脈者則惟顏會思孟四人顏子得克己復禮之說會子與聞一貫之傳親炙一堂若堯舜禹之相授受夔乎尚矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所崇仁縣志 卷四之一 學校志 學宮

崇仁縣志

卷四之一

學校志

學宮

十

未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道也孔子之道賴顏會思孟而傳今聖廟祀典四子升配堂上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老簞瓢陋巷至樂不移仰高鑽堅三月無違夫子有言克己成性用致其功允成復聖

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任道重遠十傳

釋經超商軼偃念彼先子沂水春風淵源益粹篤實春容臨
深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德作
求孝孫維則師曾傳孟誠身是力眷茲後學示我中庸位天
育物致和致中夫子道法堯舜文武紹乃家聲述乃文祖

亞聖贊曰戰國春秋又異其世陷溺人心豈惟功利時君爭
雄處士橫議爲我兼愛簞鼓樹幟魯連高風陳仲廉士所謂
英賢不過若是於此有人入孝出弟一髮千鈞道脈永繫能
不動心知言養氣治世之畧堯舜仁義愛君澤民惓惓餘意
欲入孔門非孟何自孟丁其難顏丁其易語默故殊道無二
崇仁縣志 卷四之一 學校志 學宮
致卓哉亞聖功在天地

學宮記

宋 鄧 軾

靖康之難寓縣黌舍十隳八九紹興十有二年廟堂訐
謨已定士稅組練爰詔天下葺復鄉校以來生徒令守
令以下主管學事令下所在奔走從事罔敢或違惟崇
仁不然蓋縣自元年遭兵火公廡民廬間有遺者而學
爲賊屯駐之所因得具存已而官慢吏愚或治爲候館
或仍以戍屯或以鑄冶或以榷酤歲久推傾則以爲薪
蒸莫肯枝梧迨今獨有正殿儀門上兩旁風春秋祀事
不備升降累政因循有未暇顧十有四年開封鄭侯賓

年爲邑其冬當行鄉飲先率僚友諸生合菜禮畢喟然
歎曰待吾夫子如此其陋非吾等過耶於是始謀經營
時旣蜡不興工乃約在明年春越正歲料工計材由其
故基先爲兩廊三齋齋可容二十人殿之北爲堂堂崇
三仞東西步十有六南北十有四堂之東爲庖廚廚之
東爲滷浴門之東爲廳而牆繚其外門殿並加墁瓦黝
聖丹髹舉有法度旣成落且有日侯召生徒語之曰方
今取士雖以文藝直假途耳學校之設豈惟文藝而已
耶成均校庠序帝王之制頒官鄉校羣后所立皆以養
老育才教學相長待天下士匪輕若乃專記問掇拾務
爲表暴汲汲焉以祿怵其心則是終身捫聖人藩籬而
不入其門戶雖處學校如范冠蟬綏了不相關豈不上
背縣官教養之術下負令長奉行之意乎於是諸子拱
手聞命而罷願以其事書於石云其年三月一日

重新學宮記

嘉定十六年

宋李燾

嘉定十六年冬之中月色宰豫章范君應鈴以書謂燾
曰吾邑學舍規模陋甚旣撤而新之學之士黃溥吳瑒
程注饒煒黃特鄧霆甫合詞以請謂是學之作表裏一
新枕縣左翼前瞰溪流高明爽塏視昔奚啻數倍又以
鄉之先賢修撰歐陽公環溪吳公合祠於堂之西偏自

門廡至於殿堂總爲屋二百楹自度材至於訖工總費
緡錢五千八百一出公帑民不與知甚盛舉也願爲書
以請於燔屬記之燔惟人之於學求以誠其身也上之
人設爲學校教之使誠其身也蓋人之一身萬理具備
反之而誠宜無難者奈何氣質拘之物欲蔽之全者虧
通者塞不有以全其虧通其塞枵然虛氣耳故古之聖
賢乘世立教變化其氣質克治其物欲其誠之之日則
致知以開之誠意以一之正心以存之其於身也復致
意於其所接之親愛賤惡畏敬哀矜敖惰五者而一辟
焉猶之其弗誠也惟吾身舉無所偏然後吾德舉無不
誠氣質不能雜物欲不能昏雖然物欲之爲蔽也同氣
質之爲拘也異口鼻耳目四支之欲通天下一也氣質
之錮於風土者特甚五方之民隨其所處而繫焉省察
不深切磨不力則有沒身未免爲鄉人者崇仁之士爲
鄉人乎爲聖賢之歸乎京兆藍田呂氏之言曰君子所
貴乎學者爲能變化氣質而已德勝氣質則柔者可進
於強愚者可進於明不能勝之則雖有志於學柔不能
立愚不能明矣仁哉其爲訓也邑人士勉乎哉

重建學宮記

成化十三年

明張元禎

撫州崇仁縣學自天順以來歷歲旣深頽弊日甚吏於

是者或賒其事而漫不省或慮有及而怠弗舉或諉以
新例之拘或嫌於侵牟之假夫教化民牧首務也君子
爲政尚於橋梁鋪舍乎見之况學校乎嗚呼茲其人之
哲愚可知已華亭李君祥常熟瞿君俊皆靜重不苟爲
者先後以名進士尹是邑皆銳意修葺之然其舉之弗
驟故其成之有漸李以滿去瞿以薦陞終厥功實新昌
劉君忠器也劉君亦出身名進士其爲尹深知本末輕
重自下車謁學則大嘉二君興勅欲卒其未備未幾而
煥乎完美於昔有加又築學門河堤以濟病涉功不小
已學師生教諭莆田吳君琦等僉欲永昭厥美乃遣生

員楊流屬紀以文且曰是役也稽費已穰最功已鉅然
上而公無所縻下而民不知擾劉君之舉與李瞿一也
其協心贊襄者復有青田夏君亦不可不牽連以書時
予有大事未能應旣期復遣生員劉崇等來予惟吳君
師生輩拳拳於賢侯興學之功是紀厚已然亦思所以
副其修舉之意乎陟崇明之域踐中大之途定泰宇於
端隅洞八荒於廣闊非諸士子之當隆其本而不忝乎
所以修諸其外者哉是邦也先正遺風近而未泯觸諸
外而感諸中由茲而奮然大興以大光學校踴躍襟佩
豈無其人乎則賢侯興學之功尤不可以不紀也予無

惡可一日緩乎乃進諸薦紳人士暨耆老子弟而謀所以新之捐貲首建尊經閣啟聖祠於是本邑鄉紳前東甌貳守吳公學周乃先相國文恪公猶子也慨然以大成殿爲己任隨以書招義士元君魁亦以明倫堂及明新二齋爲己任閱五月而工訖棟宇軒翔金碧黝堊赫奕炳煥視舊有加焉於是邑之士夫耆老忻忻告語以爲地以運啟天以人成厥惟休哉顧念鼎新丕績欲備始終垂久遠不可以無記先是尊經閣成諸士爲黃侯請歸美於上崇報也今諸士復爲義士請稱善於鄉示厚也崇士可謂知所本矣聞其居恒建橋以濟旅涉之艱修城以增金湯之固其生平有足多者雖然微黃侯之激勸與吳公之倡率不及此夫金石易消惟功業不朽余故樂爲之記而壽之將來云

辨義井亭記

明教諭 李登

崇仁學故有井中經改作堙廢有年初改作時庠士各義助有差獨留謝生達三金爲穿井具因循間且耗其半余嫌水之遠而閔汲者之勞也卜度大成殿之寅方隙地輒取其半召工鑿之未三仞而得泉發覆將訖且謀作亭紀其事浹旬而亭成工費不足皆余與僚友山陰兼山陳宗亮欽清遠鳳梧陳司直諫各捐所不欲受

之金共成之而劉生政復助十工之費井暨亭成有問
名者余觀易曰井居其所而遷謂其不動而及物也君
子之德其源本不竭其出自不窮不必分我所有亦不
必役吾之神而所施及於人者自有不匱之澤故曰井
德之地言乎其位天德也惟位天德斯常心公而應妙
故曰井以辨義請名是亭俾來游者亦知及泉之學如
此云

孔子廟碑

元 吳 澄

夫學校之設三代至於今數千年矣所以明人倫而善
風俗所以育人材而裨正教其關係豈小哉而學之尊

崇仁縣志

卷四之一

學校志

學宮

七

先聖也自漢以來未有一定之制亦未有通祀之典唐
以聳動觀瞻振起偷惰居游於學之士於是警發而厚
於倫可以端羣下之表義而優於才可以待公上之選
舉焉耳况崇仁近世先達德行則有若尙書何公事業
則有若僉書羅公博洽則有若侍郎李公奧學則有四
吳清節則有二謝皆後來之所當希慕者進而有聞乎
孔道則又有光於前夫如是庶幾不負邑宰作興期望
之心邑之士其可不勉哉



250.127
38
8

俱同初獻復位終獻畢贊唱正祭官詣馮吉成記

至聖位前飲福受胙跪眾官皆跪正祭官受飲畢叩首興復

位贊唱徹饌辭神奏樂三跪九叩首興讀祝者捧祝司帛

者捧帛各詣燎所焚祝帛眾官望燎揖退禮全

祝文 惟 先師德隆千聖道冠百王揭日月以常行

自生民所未有屬文教昌明之會正禮和樂節之時辟雍

鐘鼓咸恪薦於馨香泮水膠庠益致嚴於邊豆茲當仲春秋

祇率彝章肅展微忱聿將祀典

崇聖祠乾隆十八年禮部奏定正位五壇每壇品實視文廟

四配東西配位各一壇每壇品實視十二哲從祀東西各

崇仁縣志 卷四之二 學校志 學制 二

一壇每壇品實視文廟兩廡祀期同文廟正獻官一員分

獻官四員用鼓吹先詣祠行事正壇行二跪六叩首禮

祝文 惟王奕葉鍾祥光開聖緒盛德之後積久彌昌凡

聲教所覃敷率循源而溯本宜肅明禋之典用申守土之

忱茲屆仲春秋聿修祀事

大成殿

至聖先師孔子神位

木主高二尺三寸七分濶四寸厚七分座高四寸長七寸

厚三寸四分四配主高一尺五寸濶三寸二分十二哲兩

廡高一尺四寸濶二寸六分厚五分座高二寸六分長四

寸厚二寸

東配

復聖顏子

漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖顏子配饗

述聖子思子

宋大觀二年從祀端平三年升列哲位咸淳三年配饗

西配

宗聖曾子

唐開元八年從祀宋咸淳三年配饗

亞聖孟子

宋元豐七年配饗

東哲

先賢閔子

唐開元八年從祀

崇仁縣志

卷四之二

學校志

學制

三

先賢冉子

唐開元八年從祀

先賢端木子

唐開元八年從祀

先賢仲子

唐開元八年從祀

先賢卜子

唐貞觀二十一年以經師從祀開元八年以十哲從祀

先賢有子

唐開元八年從祀國朝乾隆三年升列哲位

西哲

先賢冉子

唐開元八年從祀

先賢宰子

唐開元八年從祀

先賢冉子

唐開元八年從祀

先賢言子

唐開元八年從祀

先賢顓孫子 唐開元八年從祀宋咸淳三年升列哲位

先賢朱子 宋建炎四年生慶元六年卒年七十一淳祐元年從祀 國朝康熙五十一年升列哲位

東廡先賢

先賢公孫僑 左傳魯襄公八年始見昭公八年卒 國朝咸豐七年從祀原西廡同治二年改移東廡

先賢林放 唐開元二十七年從祀明嘉靖九年改祀於鄉 國朝雍正二年復祀原西廡同治二年改移

東廡

先賢原憲 唐開元二十七年從祀

先賢南宮适 唐開元二十七年從祀

先賢商瞿 唐開元二十七年從祀

先賢漆雕開 唐開元二十七年從祀

崇仁縣志

卷四之二

學校志

學制

四

先賢司馬耕 唐開元二十七年從祀

先賢梁鱸 唐開元二十七年從祀

先賢冉孺 唐開元二十七年從祀

先賢伯虔 唐開元二十七年從祀

先賢冉季 唐開元二十七年從祀

先賢漆雕徒父 唐開元二十七年從祀

先賢漆雕哆 唐開元二十七年從祀

先賢公西赤 唐開元二十七年從祀

先賢任不齊 唐開元二十七年從祀

先賢公良孺 唐開元二十七年從祀

先賢公肩定 唐開元二十年從祀

先賢鄔單 唐開元二十年從祀

先賢罕父黑 唐開元二十年從祀

先賢榮旂 唐開元二十年從祀

先賢左人郢 唐開元二十年從祀

先賢鄭國 唐開元二十年從祀

先賢原亢 唐開元二十年從祀

先賢廉潔 唐開元二十年從祀

先賢叔仲會 唐開元二十年從祀

先賢公西輿如 唐開元二十年從祀

崇仁縣志

卷四之二

學校志 學制

先賢邾巽 唐開元二十年從祀

先賢陳亢 唐開元二十年從祀

先賢琴張 唐開元二十年從祀

先賢步叔乘 唐開元二十年從祀

先賢秦非 唐開元二十年從祀

先賢顏噲 唐開元二十年從祀

先賢顏何 唐開元二十七年從祀 明嘉靖國朝雍正二年復祀

先賢縣亶 國朝雍正二年從祀

先賢牧皮 國朝雍正二年從祀 原西 無同治二年改移東廡

先賢樂正克 國朝雍正二年從祀

先賢萬章 國朝雍正二年從祀

先賢周敦頤 宋天禧元年生熙甯六年卒年五十七清祐元年從祀

先賢程顥 宋明道元年生元豐八年卒年五十四清祐元年從祀

先賢邵雍 宋大中祥符四年生熙甯十年卒年六十七咸淳三年從祀

西廡先賢

先賢蘧瑗 左傳魯襄公十四年始見卒年無考史記定公十四年孔子猶主蘧伯玉家其卒後於公孫僑蓋三十餘年唐開元二十七年從祀明嘉靖九年改祀於鄉 國朝雍正二年復祀原東廡同治二年改移西廡

先賢澹臺滅明 唐開元二十七年從祀原東廡 國朝同治二年改移西廡

先賢宓不齊 唐開元二十年從祀

崇仁縣志 卷四之二 學校志 學制 六

先賢公治長 唐開元二十年從祀

先賢公哲哀 唐開元二十年從祀

先賢高柴 唐開元二十年從祀

先賢樊須 唐開元二十年從祀

先賢商澤 唐開元二十年從祀

先賢巫馬施 唐開元二十年從祀

先賢顏辛 唐開元二十年從祀

先賢曹卹 唐開元二十年從祀

先賢公孫龍 唐開元二十年從祀

先賢秦商 唐開元二十年從祀

先賢顏高 唐開元二十七年從祀

先賢壤駟赤 唐開元二十七年從祀

先賢石作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成 唐開元二十七年從祀

崇仁縣志 卷四之二 學校志 學制 七

先賢公祖句茲 唐開元二十七年從祀

先賢燕伋 唐開元二十七年從祀

先賢樂欬 唐開元二十七年從祀

先賢狄黑 唐開元二十七年從祀

先賢孔忠 唐開元二十七年從祀

先賢公西蒧 唐開元二十七年從祀

先賢顏之僕 唐開元二十七年從祀

先賢施之常 唐開元二十七年從祀

先賢申棖 唐開元二十七年從祀

先賢左邱明 唐貞觀二十一年以經師從祀

先賢秦冉 唐開元二十七年從祀明嘉靖九年罷 國朝雍正二年復祀

先賢公明儀 國朝咸豐三年從祀原 東廡同治二年改移西廡

先賢公都子 國朝雍正二年從祀

先賢公孫丑 國朝雍正二年從祀

先賢張載 宋天禧四年生熙寧十年卒 年五十八 淳祐元年從祀

先賢程頤 宋明道二年生大觀元年卒 年七十五 淳祐元年從祀

東廡先儒

先儒公羊高 子夏弟子唐貞觀二十一年從祀

先儒伏勝 秦博士唐貞觀二十一年從祀

先儒毛亨 年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年

崇仁縣志

卷四之二

學校志 學制

八

太平御覽引毛詩正義云荀卿授漢人魯國毛亨則是秦漢間人 國朝同治二年從祀

先儒孔安國 漢武帝時為博士侍中唐貞觀二十一年從祀 國朝同治二年改移東廡

先儒后蒼 漢宣帝時為博士 明嘉靖九年從祀

先儒鄭康成 漢永建二年生建安五年卒年七十四唐貞觀二十一年從祀明嘉靖九年改祀於鄉 國朝雍正二年復祀原 西廡同治二年改移東廡

國朝雍正二年復祀原 西廡同治二年改移東廡

先儒范甯 晉咸康五年生隆安五年卒年六十三唐貞觀二十一年從祀明嘉靖九年改祀於鄉 國朝雍正二年復祀原 西廡同治

二年改移東廡

先儒陸贄 唐天寶十三年生永貞元年卒年五十二 國朝道光六年從祀

先儒范仲淹 宋端拱二年生皇祐四年卒年六十四 國朝康熙五十四年從祀

先儒歐陽修 宋景德四年生熙寧五年卒年六十六 明嘉靖九年從祀

先儒司馬光

宋天禧三年生元祐元年卒年六十八咸淳三年從祀原西廡 國朝同治二年改移東廡

先儒謝良佐

宋元豐八年進士生卒年無考與楊時同稱程門四先生 國朝道光二十九年從祀

先儒羅從彥

宋熙寧五年生紹興五年卒年六十四明萬曆四十二年從祀

先儒李綱

宋元豐六年生紹興十年卒年五十八 國朝咸豐元年從祀原西廡同治二年改移東廡

先儒張栻

宋紹興三年生淳熙七年卒年四十八景定二年從祀原西廡 國朝同治二年改移東廡

先儒陸九淵

宋紹興九年生紹熙三年卒年五十四明嘉靖九年從祀原西廡 國朝同治二年改移東廡

先儒陳淳

宋紹興二十三年生嘉定十年卒年六十五 國朝雍正二年從祀

先儒真德秀

宋淳熙五年生端平二年卒年五十八明正統二年從祀原西廡 國朝同治二年改移東廡

崇仁縣志

卷四之二

學校志 學制

東廡

先儒何基

宋淳熙十五年生咸淳四年卒年八十一 國朝雍正二年從祀原西廡同治二年改移東廡

先儒文天祥

宋端平三年五月二日生元至元十九年卒年四十七 國朝道光二十三年從祀原西廡同治二年

東廡 改移東廡

先儒趙復

生卒年無考以宋端平二年至北庭當列元儒之首 國朝雍正二年從祀

先儒金履祥

宋紹定五年生元大德七年卒年七十二 國朝雍正二年從祀原西廡同治二年改移東廡

東廡

先儒陳澠

宋景定二年生元至正元年卒年八十一 國朝雍正二年從祀原西廡同治二年改移東廡

先儒方孝孺

元至正十七年生明建文四年卒年四十六 國朝同治二年從祀

先儒薛瑄

明洪武二十二年生天順八年卒年七十六隆慶五年從祀原西廡 國朝同治二年改移東廡

廡

先儒胡居仁 明宣德九年生成化二十年卒

先儒羅欽順 明成化元年生嘉靖二十六年卒

先儒呂枬 明成化十五年生嘉靖二十一年卒

先儒劉宗周 明萬曆六年生 國朝順治二年卒年六十

先儒孫奇逢 明萬曆十二年生 國朝康熙十四年卒年

先儒陸隴其 明崇禎三年生 國朝康熙三十一年卒年

崇仁縣志

卷四之二

學校志 學制

西廡先儒

先儒穀梁赤 子夏弟子唐貞觀二十一年從祀

先儒高堂生 秦末漢初人唐貞觀二十一年從祀

先儒董仲舒 漢武帝初年對策為江都相元至順元年從祀

先儒毛萇 漢河間獻王博士當武帝時唐貞觀二十一年從祀

先儒杜子春 漢永平初年九十唐貞觀二十一年從祀

先儒諸葛亮 漢光緒四年生建興十二年卒年五十四

先儒王通 陳至德二年生隋義甯二年卒年三十五一作

廡 國朝同治二年改移西廡

先儒韓愈 唐大曆三年生長慶三年卒

先儒胡瑗 宋淳化四年生嘉祐四年卒

先儒韓琦 宋大中祥符元年生熙寧八年卒年六十八
國朝咸豐二年從祀原東廡同治二年改移西廡

先儒楊時 宋皇祐五年生紹興五年卒年八十三明宏治
八年從祀原東廡 國朝同治二年改移西廡

先儒尹焞 宋熙寧四年生紹興十二年卒年
七十二 國朝雍正二年從祀

先儒胡安國 宋熙寧七年生紹興八年卒
年六十五明正統二年從祀

先儒李侗 宋元祐八年生隆興元年卒年七十一明萬曆
四十二年從祀原東廡 國朝同治二年改移

西廡

先儒呂祖謙 宋紹興七年生淳熙八年卒四十五景定二
年從祀原東廡 國朝同治二年改移西廡

崇仁縣志

卷四之二

學校志 學制

十一

先儒袁燮 宋甯宗初舉進士 國
朝同治七年從祀

先儒黃幹 宋紹興二十二年生嘉定十四年
卒年七十 國朝雍正二年從祀

先儒蔡沈 宋乾道三年生紹定三年卒年六十四明正統
二年從祀原東廡 國朝同治二年改移西廡

先儒魏了翁 宋淳熙五年生嘉熙元年卒年六十 國朝
雍正二年從祀原東廡同治二年改移西廡

先儒王柏 宋慶元三年生咸淳十年卒年七十八 國朝
雍正二年從祀原東廡同治二年改移西廡

先儒陸秀夫 宋端平三年十月八日生祥興二年即元至
元十六年卒年四十四 國朝咸豐九年從

祀

先儒許衡 宋嘉定二年生元至元十八年
卒年七十三皇慶二年從祀

先儒吳澄 宋淳祐九年生元統元年卒年八十五明正
統八年從祀嘉靖九年罷 國朝乾隆二年復

祀原東廡同治
二年改移西廡

先儒許謙 元至元七年生後至元三年卒年六十八 國朝雍正三年從祀原東廡同治二年改移西廡

先儒曹端 明洪武九年生宣德九年卒年五十九 國朝咸豐十年從祀原東廡同治二年改移西廡

先儒陳獻章 明宣德三年生宏治十三年卒年七十三 萬曆十二年從祀

先儒蔡清 明景泰四年生正德三年卒年五十六 國朝雍正二年從祀

先儒王守仁 明成化八年生嘉靖七年卒年五十七 萬曆十二年從祀原東廡 國朝同治二年改移

西廡

先儒呂坤 明嘉靖十五年生萬曆四十六年卒年八十三 國朝道光六年從祀

先儒黃道周 明萬曆十三年生 國朝順治三年卒年六十二 道光五年從祀原東廡同治二年改移

西廡

先儒湯斌 明天啟七年生 國朝康熙二十六年卒年六十一 道光三年從祀原東廡同治二年改移西

崇仁縣志

卷四之二

學校志

學制

三

廡

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東配

先賢孔氏孟皮 國朝咸豐七年配饗

先賢顏氏 名無繇唐開元二十七年從祀明嘉靖九年配饗

先賢孔氏 名鯉 宋咸淳三年從祀 明嘉靖九年配饗

西配

先賢曾氏 名皙 唐開元二十七年從祀 明嘉靖九年配饗

先賢孟孫氏 名激 明嘉靖九年配饗

東廡先儒

先儒周氏 名輔 成年無考 明萬曆二十三年從祀

先儒程氏 名珦 宋景德三年生 元祐五年卒 年八十五 明嘉靖九年從祀

先儒蔡氏 名元定 宋紹興五年生 慶元四年卒 年六十四 明嘉靖九年從祀

西廡先儒

先儒張氏 名迪 年無考 國朝雍正二年從祀

崇仁縣志

卷四之二

學校志 學制

先儒朱氏 名松 宋紹聖四年生 紹興十三年卒 年四十七 明嘉靖九年從祀

祭品 據闕里志編

聖殿正壇

帛一 籠 素帛每段長一丈八尺 旁織禮神制帛四字

牛一 雍正三年特詔 用劓 羊一 組 豕一 組

酒三 酌白黍 太羹一 登 和羹二 鉶

黍一 簋 稷一 簋 稻一 簋

梁一 簋

形鹽一 藁魚一 棗一

栗一 榛一 菱一

芡一

鹿脯一

白餅一

黑餅一

自形鹽以下至黑餅共十皆以竹籩盛之

蕪菹一

芹菹一

笋菹一

菁菹一

醯醢一

魚醢一

兔醢一

鹿醢一

豚胎一

自蕪菹以下至豚胎共十皆以木豆盛之

各種酒樽備列

四配每位各一壇

帛一筐

羊一俎

豕一俎

崇仁縣志

卷四之二

學校志 學制

古

爵三酒

劍一和羹

簋二黍稷

簋二稻梁

豆八

蕪菹醢

芹菹醢

笋菹醢

菁菹醢

籩八

形醢

藟魚醢

鹿脯

棗

酒樽一

十二哲東西各二壇

帛二筐

羊一俎

爵三酒

劍一和羹

簋一黍

簋一稷

豆四

菁菹

芹菹

鹿醢

兔醢

籩四

形醢

鹿脯

棗

栗

酒樽一

以上俱大成殿內

東西兩廡各三壇每四龕一壇 帛一羊一每廡十二龕分

用羊一組爵四簋一盞一籩四豆四簋籩籩豆所薦與東西哲

同酒罇一

名宦祠

鄉賢祠

忠義祠

節孝祠

以上俱用帛一豕一爵一簋一盞一籩四豆四

按東西哲暨東西廡向未用少牢惟豕首豕肉乾隆十八

年癸酉經內閣會典館奏准十二哲東西各豕首一盤每

崇仁縣志

卷四之二

學校志

學制

五

位豕肉一盤兩廡先賢先儒一百二十七位東西各豕首

六盤每位豕肉一盤陳設處皆緣前明之舊今十二哲東

西各改用少牢一案兩廡各改用少牢三案又十二哲每

位帛一東西共篚二兩廡各增香帛一案陳設正壇依次

分列帛一爵三列於神位前爵前設登登左右列鉶簋籩

列登鉶前簋東籩西籩豆列簋籩左右前各分三行籩左

豆右籩豆前爲俎爲香案其儲帛儲罇案傍香案後偏左

讀祝案傍香案後偏右凡案各燭小燭二惟神案香案各

雙輝大燭香熱沈檀降眞滿堂氤氳各壇俱照式遞減陳

設

禮器歷次奉制製造

毛血盤二

勺八

酒罇四以上銅器

茅沙盤二

登一

盥盆二以上錫器

彝二

鼎十六

鉶二十二

簠六十一

簋六十一

毛血碟十六

香爐十八

著罇八

罍罇八

爵五十四以上瓷器

共桌六

祝版二

俎二十

豆二百四十六

饗盤十六

牲盤十八

燭臺五十三對

高照四

十座以上木器

籩二百四十六

帛篚十八

以上竹器

燔爐二

庭燎爐八

燔爨四

崇仁縣志

卷四之二

學校志

學制

六

燎爨八

以上鐵器

幕幃八

桌幃十八

以上綢器

幕巾百

此下外置備用

皿奩百

瘞毛血鏟一

盥盆架十

按爵登簠簋雍正二年頒行圖式皆沿明舊代以瓷器乾隆二年敕倣古制一體更正惟爵用瓷色白登鉶簠簋概用錫酒罇仍用銅增犧罇象罇山罇壺罇著罇罍罇太罇七種並用精鐵

樂器

麾幡二

用紅絹八尺兩面繪金龍一繪升龍以起樂一繪降龍以止樂

琴六

瑟二

大鼓一

楹鼓一

應鼓一

鼗鼓二

搏拊二

笙六

龍笛六

鳳簫二

洞簫六

塤二

箎二

祝一

敔一

編鐘十六

共一架特鐘一分二層

象笏六

編磬十六

共一架特磬一分二層

外置備用鐘磬架四

鼓架五

鼓傘一

琴桌六

瑟牀二

舞器

旌節二

朱竿龍首銜五色絲條九節舞長執之為綴兆疾徐行立進止之則以導舞

翟四十八

籥四十八

干二

戚二

孔雀尾羽六十四

崇仁縣志

卷四之二

學校志

學制

七

雉尾羽一百四十四

以上二物乾隆十二年頒

樂舞生選通曉音律嫻於佾舞者共一百二十八人內用

歌生六人各執笏版立堂上歌樂章

樂章 乾隆八年製頒

春祭夾鐘為宮倍應鐘起調

迎神 樂奏 咸平之章

大

哉

侃

孔

伋

子

伍

先

伋

覺

仕

先

知

伋

與

侃

天

伋

地

仕

參

伍

萬

伋

世

仕

之

伍

師

伍

麟

伋

紱

韻

侃

答

仕

金

伋

緜

仕

日

侃

月

伋

旣

伋

揭

坤

伋

清

侃

夷

伋

初獻 寧平之章

子

伋

懷

侃

明

伋

德

伍

玉

仕

振

侃

金

伋

聲化生民仇未有伍展仇也仇大伍成仇俎伍豆仇
千仇古伍春仇秋伍上伍丁伍清仇酒伍既仇載伍其仇
香仇始仇升仇

亞獻 安平之章 式仇禮仇莫仇愆伍升仇堂伍再仇
獻仇響伍協伍鼓仇鏞仇誠伍孚仇壘伍獻仇肅伍肅伍
雍仇雍伍譽仇髦仇斯仇彥仇禮仇陶伍樂仇淑伍相伍
觀仇而仇善仇

終獻 景平之章 自仇古仇在伍昔仇先仇民伍有仇
作仇皮伍弁仇祭仇菜仇於伍論伍斯仇樂仇惟伍天仇
牖仇民伍惟仇聖伍時仇若伍彝伍倫伍攸伍敘伍至仇

崇仁縣志

卷四之二

學校志

學制

其

今伍木仇鐸仇

徹饌樂咸平之章 先仇師仇有仇言伍祭仇則伍受仇
福伍四仇海仇覺伍宮仇疇仇敢仇不仇肅仇禮伍成仇
告仇徹伍毋仇疏仇毋仇瀆仇樂伍所伍自仇生伍申伍

原仇有仇菽仇

送神樂咸平之章 鳧仇釋仇幾仇幾伍洙仇泗伍洋仇
洋仇景伍行伍行伍止仇流仇澤仇無伍疆仇幸伍昭仇
祀仇事仇祀仇事伍孔仇明仇化仇我伍蒸仇民伍育仇
我仇膠仇庠仇

秋祭南呂爲宮仲呂起調

迎神樂奏咸平之章 大伏哉伏孔仕子伏先伏覺伏先伏

知仕與伏天仕地伏參伏萬伏世伏之伏師伏祥伏徵伏

麟伏紱仕韻伏答伏金伏絲伏日伏月仕既伏揭伏乾伏

坤仕清伏夷伏

初獻樂奏寧平之章 予伏懷伏明仕德伏玉伏振伏金伏

聲伏侃仕生仕民伏未伏有伏展伏也仕大伏成仕俎伏豆伏

千伏古伏春仕秋仕上伏丁仕清伏酒伏既伏載伏其伏

香仕始伏升伏

亞獻樂奏安平之章 式伏禮伏莫仕愆伏升伏堂伏再伏

獻伏響伏協伏蕤伏鏞仕誠伏孚伏罍伏甗伏肅伏肅伏

崇仁縣志 卷四之二 學校志 學制 五

雍仕雍仕譽伏髦仕斯伏彥仕禮伏陶伏樂伏淑仕相伏

觀仕而伏善伏

終獻樂奏景平之章 自仕古仕在仕昔伏先伏民伏有伏

作仕皮伏弁伏祭伏菜仕於伏論伏斯仕樂伏惟伏天伏

牖仕民伏惟伏聖伏時伏若仕彝伏倫伏攸伏敘伏至伏

今伏木伏鐸伏

徹饌樂奏咸平之章 先仕師伏有仕言伏祭伏則伏受伏

福伏四伏海仕鬯伏宮伏疇伏敢仕不伏肅伏禮伏成伏

告伏徹伏毋伏疏仕毋伏瀆伏樂伏所伏自伏生伏中伏

原仕有伏菽伏

送神樂咸平之章 鳧伏繹伏幾伏洙伏泗伏洋伏

洋伏景伏侃伏行伏侃伏止伏侃伏流伏澤伏無伏疆伏聿伏昭伏侃

祀伏事伏祀伏事伏侃伏孔伏侃伏明伏化伏我伏蒸伏民伏侃伏育伏

我仕膠伏庠伏

俗舞 乾隆八年製頒

初獻舞 寧平之舞 予開籥翟向上起右手於肩垂左手

于下蹠左腳向前稍前向外開籥舞 懷開籥翟向上起

左手於肩垂右手於下蹠右腳而前蹈向裏開籥舞 明

合籥向上移右腳過左邊交立 德轉身向東開籥起左

手于肩垂右手於膝蹲身上曲足更加右足虛其跟足尖

崇仁縣志 卷四之二 學校志 學制 三

著地起辭身向外高舉籥而顛 玉合籥向內拱手出左

足兩兩相對蹲東兩相向 振合籥轉身向外拱手出右

足正揖稍舞 金合籥躬身向上揖正揖 聲合籥轉身

向東躬身拱手出右足起平身出左手立 生開籥向上

起右手於肩垂左手於下出左足兩兩相對自下而上東

西相向 民開籥向上起左手於肩垂右手于下出右足

稍前舞舉籥垂翟 未合籥轉身向東蹈右足惟兩中班

十二人轉身俱東西相有籥籥以左手平肩右手平胸斜

身向上偏面左足虛其跟足尖著地舉翟三合籥 展合

籥向上過右足于左交立稍前向外垂手舞 也合籥向

上過左足於右交立蹈向裏垂手 [大]合籥向上躬身揖

向前合手謙進步雙手合籥 [成]合籥向上拱手平身立

回身再謙退步側身向外高手朝上 [俎]開籥向上起右

手於肩垂左手於下蹠左足向前正蹲朝上 [豆]開籥向

上起左手於肩垂右手於下蹠右足向前稍舞躬身挽手

側身向外呈籥耳邊面朝上 [干]合籥當胸向上揖手於

右正揖 [古]合籥當胸向上揖手於左垂復中平身拱手

立於中起辭身挽手復舉籥正立 [春]合籥蹈右足轉身

向上兩兩對交籥兩班俱東西平勢立 [秋]合籥蹈右足

向東正蹲朝上 [上]合籥低頭向東揖向外退挽手舉籥

崇仁縣志

卷四之二

學校志

學制

三

外面朝上 [丁]合籥轉身向上平立拱手回身正立 [清

合籥向上過右足於左交立稍前舞 [酒]合籥向上過左

足於右交立正蹲朝上 [既]合籥低頭揖向上左右垂手

兩班上下俱雙垂手東西相向 [載]開籥向上起右手于

肩垂左手於膝蹲身曲左足虛其跟足尖著地 [其]合籥

低頭揖于右左足垂揖蹈之于後 [香]合籥低頭揖于左

右足垂揖蹈之于後右側身垂手向裏垂手舞 [始]合籥

轉身向東拱手蹠右足尖著地 [升]合籥復身向上拱手

蹠右足尖躬而受之躬身朝上拱籥而受之三鼓畢退

亞獻 安平之舞 [式]開籥向上起左手於肩垂右手于

下蹠右足向前左足進步向外垂手舞 **禮**開籥向上起

右足于肩垂左手于下蹠左足向前右向裏垂手舞 **莫**

合籥向上過左足于右交立向外落籥面朝上 **愆**開籥

向上起右手于肩垂左手於下蹲身曲右足左足虛其跟

足尖著地退回身正立 **升**合籥向上躬身揖于左隨蹠

右足尖正蹲 **堂**合籥向上躬身揖于右隨蹠左足尖起

身向前舞 **再**合籥向上躬身復揖于左隨蹠右足尖向

裏舞 **獻**開籥翟向上起右手于肩垂左手于下蹲身曲

右足虛其跟足尖著地合手謙進步向前雙手合籥蹲謙

響合籥拱手向西出右足兩兩相對自下而上雙班相

崇仁縣志 卷四之二 學校志 學制 三

對舉籥東西立 **協**合籥轉身拱手向東出左足上下俱

垂手惟兩中班上下十二人俱垂手蹲身東西相向 **鼗**

合籥翟向東過右於左交立轉身東西相向立 **鑼**合籥

向東徹左足虛右足跟斜拱手於上相向立兩班上下以

翟相籥 **誠**開籥向上起左手於肩垂右手於下蹠足向

前稍前舞蹈兩班上下俱手向外舞 **孚**開籥向上起右

手於肩垂左手於下蹠左足向前回裡垂手舞 **壘**合籥

蹈右足轉身合手謙進步向前雙手合 **獻**合籥向東拱

手蹠右足回身再謙兩班上下東西相向 **肅**躬身向上

開籥起手向左蹠右足尖稍前舞向外開籥舞 **肅**躬身

向上開籥雙手向右蹻足尖向裏舞 [雍]合籥向上低揖

雙手平執籥翟開籥翟 [雍]合籥翟朝上正立 [譽]合籥

向東拱手出左足側身垂左手兩班俱垂左手向外舞

[盥]合籥向西拱手出右足躬身正揖 [斯]開籥向西起右

手於肩垂左手于下轉身曲左足虛其跟足尖著地雙手

舉籥翟躬 [彥]開籥轉身向東起左手于肩垂右手於下

蹲身曲右足虛其跟足尖著地躬而受之 [禮]合籥躬身

向上揖於左三叩頭舉右手叩頭 [陶]合籥躬身揖于右

舉右手叩頭 [樂]合籥躬身向上復揖于左復舉右手叩

頭 [淑]合籥復手于中躬身拱手向上拜一鼓畢即起躬

崇仁縣志 卷四之二 學校志 學制 三

身 [相]開籥躬身右手起舞加額左手垂舞于後左足隨

手出足尖著地三舞蹈舉籥向左躬身舞之 [觀]開籥躬

身左手起舞加額右手垂舞於後右足隨手出足尖著地

舉籥向右躬身舞 [而]開籥躬身以右手起舞加額左手

舞于後左足隨手出足尖著地舉籥向左躬身舞 [善]合

籥拱手下拜舉籥躬身而受之

終獻舞 景平之舞 [自]開籥向外舞 [古]開籥向內舞

[歪]側身向外落籥面朝上 [萱]朝上正立 [先]兩班上下

兩兩相對交籥 [民]合手朝上正蹲 [有]側身向內落籥

[作]開籥朝上正立 [皮]向外開籥舞 [弁]向裏開籥舞

[祭]開籥朝上正立 [萊]合籥 [於]向外開籥舞 [論]向左
 開籥舞 [斯]進步向前雙手合籥謙 [樂]回身東西相向
 手謙 [惟]向外開籥舞 [天]向裏開籥舞 [牖]開籥朝上
 正立 [民]合籥朝上正立 [惟]向外垂手舞 [聖]向裏垂
 手舞 [時]朝上正揖 [若]躬身而受之 [彝]躬身向左合
 籥舞 [倫]躬身向右合籥舞 [攸]躬身復左合籥舞 [敘]
 合籥朝上拜一鼓便起身 [至]側身向外垂手舞 [今]側
 身向裏垂身舞 [木]朝上正揖 [鐸]躬身朝南受之三鼓
 畢起身

古今祀典源流附考

崇仁縣志

卷四之二

學校志

學制

三

漢高祖過魯以大牢祀孔子平帝追謚孔子褒成宣尼公
 光武始建大學明帝始幸大學東巡至魯祀孔子及七十
 二弟子章帝東巡作六代之樂靈帝繪孔子七十二子像
 蓋兩漢皆於闕里致祀云魏正始二年始命太常釋奠以
 大牢祀孔子於辟雍以顏淵配晉武帝太始七年命皇太
 子釋奠於大學劉宋元嘉二十二年太子釋奠採晉故事
 舞六佾軒懸之樂牲牢祭器悉用上公禮元魏改謚孔子
 文聖尼父詔立宣尼廟敕有司行薦饗禮北齊制祭酒博
 士以下及國子諸生每月朔行禮隋制追崇孔子先師尼
 父國子學每歲四仲月上丁日釋奠州縣學春秋仲月上

丁日釋奠此稱先師行丁祭之始唐武德二年國子學以周公爲先聖孔子配饗四時致祭貞觀二年房元齡等議庠序釋奠本緣孔子晉宋梁陳及隋皆以孔子爲先聖顏回爲先師請升孔子爲先聖以顏回配從之詔國學釋奠皇太子初獻祭酒亞獻司業終獻州縣正獻分獻視秋行事二十一年詔以左邱明卜子夏公羊高穀梁赤伏勝高堂生戴聖毛萇孔安國劉向鄭眾杜子春馬融盧植鄭康成伏虔何休王肅王輔嗣杜元凱范甯賈逵二十二人並令配享高宗總章初始以曾子與顏子並配享孔子廟元宗開元中追崇孔子文宣王設塑像南向座詔顏子等十

哲及曾子特爲座像位於二十二子之上宋太祖詔廟門立戟十六眞宗加謚孔子元聖尋改至聖大中祥符二年封聖考爲齊國公景祐元年詔釋奠用登歌神宗元豐七年以孟子同顏子配享宣聖荀况揚雄韓愈並從祀孟子配享自此始徽宗大觀二年詔躋子思從祀四年詔先聖廟用戟二十四文宣王執鎮圭用王者之制御書大成殿名於辟雍高宗詔祭孔子稱大祀釋奠止蓋大成門外入廟步行理宗淳祐元年又加周敦頤張載程顥程頤封爵與朱熹並從祀孔子廟庭景定二年加張栻呂祖謙並從祀度宗咸淳三年以顏子曾子子思孟子並配享而升顥

孫師於十哲以邵雍司馬光從祀元世祖詔春秋丁祭執事者皆用朝服成宗制加孔子號曰大成仁宗以許衡從祀文宗至順元年加封聖考啟聖王封顏子衮國復聖公曾子邾國宗聖公子思沂國述聖公孟子鄒國亞聖公又以董仲舒從祀明太祖洪武三年禮部更定祭器品物犢一羊一豕一鹿首一邊豆各十登一鉶一簠簋各二酒尊三爵三用登歌堂上堂下之樂舞用六佾十五年春作大學成去塑像設木主頒釋奠先師孔子儀注於天下府州縣學每歲祭以春秋仲月上丁十七年敕郡縣長以下每月朔望俱詣學行香二十六年頒大成樂器於天下學宮

各遵式製造英宗正統中以宋胡安國蔡沈真德秀元吳澄從祀孝宗朝以楊時從祀世宗嘉靖九年從輔臣張璁議改大成至聖文宣王爲至聖先師孔子四配爲復聖顏子宗聖曾子述聖子思子亞聖孟子十哲及兩廡從祀凡及門弟子稱先賢左邱明以下稱先儒去天下塑像設木主盡罷公侯伯諸封爵申黨卽棖存棖去黨罷公伯寮秦冉顏何荀况戴聖劉向賈逵馬融何休王肅王弼杜預吳澄十三人從祀以林放蘧瑗鄭康成鄭眾盧植服虔范甯七人各祀於其鄉補祀先賢鄒單進后蒼王通胡瑗歐陽修陸九淵五人從祀改稱大成殿爲先師廟大成門爲廟

門竝改封聖考啟聖公十年別建啟聖祠春秋祭祀以顏路曾皙孔鯉孟孫氏配享俱稱先賢以程珦朱松蔡元定兩廡從祀俱稱先儒二十二年以先儒周輔成從祀穆宗隆慶五年以薛瑄從祀神宗萬曆中以羅從彥李侗胡居仁陳獻章王守仁從祀

國朝順治二年加諡孔子大成至聖文宣先師十四年仍稱至聖先師康熙二十六年頒定直省州縣各學祭典舞用六佾樂舞生八十六人三十九年

御製先師贊暨四賢贊頒各學勒石五十一年升朱子於十哲之次五十三年以宋儒范仲淹從祀雍正元年追封孔子崇仁縣志

卷四之二

學校志

學制

三

以上五代木金父肇聖王祈父裕聖王防叔詒聖王伯夏昌聖王叔梁啟聖王改啟聖祠爲崇聖祠二年詔改幸學爲詣學親詣太學行禮并頒禮器樂器圖式於各學復祀蘧瑗林放秦冉顏何鄭康成范甯六人增祀縣直牧皮樂正子公都子萬章公孫丑諸葛亮尹惇魏了翁黃幹陳淳何基王柏趙復金履祥許謙陳澔羅欽順蔡清陸隴其二十人竝以先儒張廸從祀崇聖祠三年

詔郡縣春秋丁祭增用太牢蓋歷代相沿舊制祇太學暨闕里廟庭祭用太牢率土學宮尙未備物此特詔也五年

諭直省內外逢先師誕辰致齋一日避孔子諱加卍爲邸乾隆

二年崇聖祠改用綠瓦頌各學樂器祭器悉倣古制一體更正復以元儒吳澄從祀三年升有子於十哲三年增直省各學樂舞生爲一百二十八人八年癸亥頌樂章祭文於直省

樂奏樂舞源流附論

按舞以輔樂樂可離舞舞不可離樂以舞像功德視樂爲用作何樂用何舞舞不止六帔舞羽舞皇舞旄舞干舞人舞外有箛舞籥舞巾舞鐸舞後世有七德舞九功舞甚至五經掃地猶有八風之舞舞多而不離乎文舞武舞樂頌文德則舞文具羽籥之屬尚焉樂歌舞功則舞武具干戚

崇仁縣志

卷四之二

學校志

學制

五


之屬尚焉樂兼文武舞亦兼文武觀其舞則知其德此祭之所以必用舞也考孔庭釋奠自漢章帝用六代之樂南宋元嘉用六佾之舞然猶設軒縣之樂軒縣諸侯之樂也唐開元設宮縣宮縣天子之樂也明洪武頒大成樂器於天下府學令州縣如式製造成化增舞用八佾嘉靖九年張璁議奏略云魯用天子禮樂夫子不欲觀之今用八佾又安肯享遂定禮用三獻樂止六奏舞用六佾本朝頌樂舞全圖樂舞儀注於天下通行禮亦三獻樂亦六奏舞亦六佾可謂禮樂得宜而神人胥安矣蓋樂以奏分而舞以佾別奏者樂之節次佾者舞之行列也樂一更始爲一

奏又爲一成九奏曰九成大祭九奏中祭六奏小祭三奏
其大祭九奏則迎神一奏奠帛一奏進俎一奏初獻一奏
亞獻一奏終獻一奏徹饌一奏送神一奏望瘞一奏此云
子之樂郊廟方用如釋奠中祭六奏止無進俎一禮却減
三奏之樂考古典叅今制蓋又以禮就樂也如迎神作咸
平之章樂爲一奏奠帛合初獻一行作甯平之章樂止一
奏亞獻作安平之章樂爲一奏終獻作景平之章樂爲一
奏徹饌作咸平之章樂爲一奏送神合望瘞一行作咸平
之章樂止一奏此諸侯之樂也再舞一行人爲一佾又爲
一列故八列曰八佾天子舞用八佾諸侯舞用六佾大夫


舞用四佾士舞用二佾第佾有二說人數不一按左傳諸
侯用六杜預以爲三十六人此以縱橫如數爲佾者也據
服虔以爲四十八人此以八人一列爲佾者也蘇軾八佾
說曰宋文帝給彭城王義康伎倆承給三十六太常傅隆
以杜說非是舞以節八音故以八人爲列自天子至士降
殺以兩兩減其二列若如預言至士止四人豈復成樂又
春秋晉悼公納鄭女樂二八又晉以女樂二八賜魏絳此
八人爲列之證也若止用三十六人是從杜說矣今姑繪
圖如左

脚 别 二

脚 别 一



脚 右 脚 别 过 左



脚 左 脚 别 过 右

崇仁縣志

卷四之二 學校志 學制

三

舞 一

舞 一



右 手 脚 上 前



左 手 脚 上 前

揖一



朝上深揖

召二



左右兩班召面
丁字脚

崇仁縣志

卷四之二

學校志 學制

三

召一



左右兩班召面
丁字脚

一拉圈



前
兩手全一脚上

一 灌耳



右手執籥對耳

二 擺腳



右腳擺起


崇仁縣志

卷四之二

學校志 學制


三

一 擺腳




左腳擺起

朝 上



兩手平胸朝上立

手拱一



起
兩手朝上拱

面對



面
左右兩班對

崇仁縣志

卷四之二

學校志 學制

三四

手擺一



兩手右擺開

手擺二



兩手左擺開

三看尖



仍看右尖

二看尖



躬身看左尖

崇仁縣志

卷四之三

學校志 學制

三

一看尖



躬身看右尖

三擺手



兩手仍右擺開

背 二 召



又背召一次

背 一 召



左右兩班背向
背召

崇仁縣志

卷四之三

學校志

學制

三

身 存 二



左手存左膝

身 存 一



右手存右膝

頭叩一



叩頭到地

手舒三



兩手在右腳外近地

崇仁縣志

卷四之二

學校志

學制

三

手舒二



兩手在左腳外近地

手舒一



兩手拱近地

一 脚提



朝上立後提
一脚

崇仁縣志

卷四之二

學校志

學制

一

名宦祠

祀元子哲以下十三人

唐元子哲

宋蘇緘 孫實 范應鈴

明時季照 李祥 瞿俊 劉忠器 葉天爵 方進

林越 陳瑛 鄭日強

鄉賢祠

祀樂史以下二十六人

宋樂史 吳沆 饒延年 歐陽徹 羅點 何異 李劉

吳晉 饒應子 饒應龍 吳澥 吳鑑

元吳澄

吳當 虞集

按草廬公已祀
兩廡原主應祀

明吳溥 吳與涵 胡九韶 吳宣 吳一龍 劉鶴

吳道南 吳道周 吳之屏 陳其赤

國朝繆士元

忠孝節義祠 祀歐陽徹以下六十三人

宋歐陽徹

明劉寂 陳昌猷 陳顯爵 陳懷忠

國朝陳炳燮 李傳心 方溥 方思訓 劉詒涓 劉蔭棠

方兆光 黃勝保 華峯 陳森槐 黃炳燦 謝周宣

章逢辰 劉師韓 周南 李霖滋 楊洪謨 劉鴻章

廖文衡 孫士銓 劉鵬 周三槐 廖厚賢 廖厚廣

聶建南 聶鳳輝 楊舟 許來儀 孫枝楠 王採珍

崇仁縣志 卷四之二 學校志 學制 三

方錫賢 陳立吉 蔡紹齊 廖維翰 陳壬三

陳思任 吳士禹 樂啟仁 陳洪泰 王時瑞

袁聯英 陳培德 黃金彪 李運金 陳秉求

陳芳遠 陳峴三 陳緩四 陳晤二 陳晤七

陳思明 王及雁 外咨請特建義勇祠祀管正保等五百八十七人

黃詩訓 謝蘭馥 王及胤 陳瑚 陳紹 李仁心

賢孝貞烈祠 歷代姓氏詳列女門

名宦祠祝文 卓哉群公懋修厥職澤被生民功垂社稷茲

惟仲 春秋 謹以牲醴用伸常祭

鄉賢祠祝文 於維羣公毓秀茲邦懿德卓行奕世流芳茲

惟仲春秋謹以牲禮用伸常祭

忠孝節義祠祝文 惟靈稟負貞純躬行篤實忠誠奮發貫

金石而不渝義問宣昭表鄉閭而共式祇事懋彝倫之敘

性摯莪蒿克恭念天顯之親情殷棣萼模楷咸推夫懿德

綸音特闡其幽光祠宇惟隆歲時式祀用陳尊簋來格几筵

賢孝貞烈祠祝文 惟靈純心皎潔令德柔嘉矢志完貞全

閨中之亮節竭誠致敬彰閩內之芳型茹永蘗而彌堅清

操自勵奉盤匱而匪懈篤孝傳徽

絲綸特沛乎

殊恩祠宇昭垂於令典祇循歲祀式薦尊醪

崇仁縣志 卷四之二 學校志 學制 卑

以上四祠祀儀與崇聖祠同

文昌帝君祀典附

文昌宮 制詳前 嘉慶六年五月奉

上諭文昌帝君祠可仿照關帝廟制列入祀典春秋二仲部頒

祭期二月三日神誕 祀亦如之 並追封三代致祀

祀儀祭品俱與 武廟同

祝文 嘉慶六年頌 惟 神績著西垣樞環北極六筐麗耀

協世運之光華累代垂靈偉人文之主宰扶正久昭夫感

召薦歆宜致其尊崇茲屆仲春秋某日用昭時祀尙其格歆

鑒茲精虔

文昌帝君先代祠嘉慶六年奉文設祭期與祭 文昌同日

祀儀祭品並準 關帝先代祠

祝文 嘉慶六年頌 祭引先河之義禮從返本之恩錫夫世

德彌光延賞斯及祥鍾累代爛列宿之精靈化被千秋偉

人文之主宰是尊後殿用答前庥茲值仲 春 某日肅將時

祀用申告潔神其格歆

學額 附

崇仁縣學原額十二名咸豐八年合邑團練捐輸同治二年

奉

旨加永額十名連原額共計二十二名其餘各次捐輸悉歸暫

崇仁縣志 卷四之二 學校志 學制 聖

廣自咸豐九年起到同治三年止前後三次共廣五十名

武學原額及加額俱與文學同

學田 附

宋乾道間邑中學田積二百八十畝有奇

嘉定九年縣令彭耕濬入廢寺田及菱陂新墾田若干畝十

三年縣令趙汝觀申撥籍沒田一百四十畝有奇十五年

縣令范應鈴又申撥籍沒田九十畝有奇

明洪武至成化初學田共一十五頃四十一畝四分

以上田畝久已湮沒無可查考

隆慶五年知府楊公世華牒送沒入黃均一田四十五畝坐

六都是年知縣何邦靖又牒送沒入李珍六田四十畝並庄基一所坐十八都

萬曆二年通判汪公雲秀署縣事將自理緩金六十兩置早晚田租一百桶分牒送學坐二十三都知縣陳應梅記八年東耆義民彭廷肅送早晚田租二十八桶坐二十七都

十五年北耆義民黃仲送早晚田租一百五十桶計三十八畝坐十九都

十七年北耆義民劉天啟送早晚田租二百桶分坐十二都十三都

崇仁縣志

卷四之二

學校志

學制

里

十八年主簿虞邦光抽查庵田欺隱早晚田租一十九桶送學坐二十三都觀橋

二十二年推官程德良追送西耆陳景三便業入官早晚田租六桶坐十九都

二十四年知縣陳瑛牒送何星三阮頰四潘房十等欺隱田租一十八畝三分零并送羅相一等欺隱起荒地三十三畝俱坐十三都

國朝道光二十年邑修

文廟告成樂邑分發山東知縣游

泰來捐三十四都林頭等處田租八百一十六石五斗其每年租谷出息爲 文廟歲修之資

舊志載據報彭紀東耆人篤孝行明嘉靖時捐灌橋田心等處田租入學舊志未載今所收學租亦無底冊可查姑錄於此

舊志載宋熙甯四年始詔各州給田十頃資諸生薪水膏火元至元二十年間設各道儒學提舉司詔江南舊有學田給以養士又詔江南州縣學田歲入聽其自掌春秋釋奠外以廩師生及士之無告者明洪武二年詔府州縣皆立學定諸生入學肄業額數有差月給廩膳仍免其家差徭二丁故補廩膳生者稱學生餘但稱增生附生諸生莫不以食餼爲榮崇仁在宋屬江南西路在元隸江南諸道

崇仁縣志

卷四之二

學校志

學制

學

行御史臺所有昔年厯蒙給復之田久經滄桑今稍存者僅據門役收取爲正副齋師食穀廩生無與焉其廩生膏火列本邑錢漕支解項下

獎勵

賓興逢科舉年舉行七月望前擇日啟請應舉諸生並延學官爲領袖豫紮龍門月宮彩橋於庭月宮滿插象生桂花屆期學師率諸生齊集儀門外賓館縣主補服出堂鼓吹開儀門肅候學師先入諸生由甬道升堂行二拜禮排席安坐學師首東席諸生按東西席敘坐盒酒勸飲盡歡席徹諸生拜謝左右立普給花紅卷貲諸生由彩橋升月宮

各折桂一枝降厯龍門從中門出向縣主送至沙隄橋今
送南城北門外揖別其登科甲者歸謁縣主稱師生
迎學文武入泮新生紅案到日縣主同學師訂入學期出紅
諭通曉豫備五色絹旗黏牋書科甲吉語繫長竿爲迎學
之具屆期諸新生公服集縣儀門縣主補服出堂立滴水
下鼓吹開儀門導進諸新生由甬道升堂行庭參禮左右
立盃酒傳飲三巡三揖畢分給花紅插戴退立庭中候縣
主輿從統彩旗鼓樂啟行跟隨遊街寵迎送至學宮門首
縣主先至明倫堂會學師一面命贊導新生由泮水偏詣
丹墀下行謁

崇仁縣志

卷四之二

學校志

學制

四

聖禮畢然後赴明倫堂集階下瞻庭閒所有事先是縣主推學
師列東賓位自居主位交拜四謂之拜送既而學師轉西
推縣主列賓位交拜四謂之拜受已乃縣主仍讓學師立
於東命贊導諸新生升堂拜師統施勸勉以終送學之儀
鄉飲三賓例由紳士公舉儒學查實取結加勘牒縣轉詳批
允然後擇日啟請屆期依坐次圖式備筵於明倫堂全柬
請三賓至青雲樓坐縣主學師皆補服先詣明倫堂三請
賓賓至迎於庠門厯龍門達堂階三揖三讓乃升主先拜
賓則賓東主西賓繼拜主則主東賓西皆交拜四賓主更
朝服主先賓後贊唱排班望

闕行三跪九叩首禮與贊唱揚解讀律擊鼓三通執事吏讀揚
解文司正讀律令眾跪伏聽宣畢與賓主仍更品服將事
各照圖次就席行獻酬禮初進爵供羞升歌三終次祭薦
祭酒笙歌三終次嚼肺啐酒間歌三終次卒解致實合樂
三終樂告備徹席賓謝主交拜如前儀自拜至以迄拜既
樂奏不絕賓退主送至庠門一揖別禮全揚解文 恭維
朝廷率由舊章敦崇禮教舉行鄉飲非爲酒食凡我長幼各
相勸勉爲臣盡忠爲子盡孝長幼有序兄弟恭內睦宗
族外和鄉里毋或廢墜以忝所生

崇仁縣志

卷四之二

學校志

學制

聖

上諭亭行禮畢老人持木鐸振搖宣揚譯書六諭鄉約於丹墀
亭內宣講

聖諭十六條眾環聽之雍正八年令城市各鄉以舉貢生員一人
充約正每正立約副三人值月分講於各鄉公所由是講
約之典重矣今逢朔望各官在城隍廟循例宣講設龍亭
供奉

聖諭冊函就香案行三跪九叩禮坐 朝贊捧冊函交約長賫出

廟門升臺先令約副搖木鐸警眾宣揚六諭然後向眾宣
講十六條講畢賫還仍供龍亭眾官退

順治十三年譯書六諭孝順父母恭敬長上和睦鄉里教

訓子孫各安生理無作非爲

康熙九年頒行十六條曰敦孝弟以重人倫曰篤宗族以昭雍睦曰和鄉黨以息爭訟曰重農桑以足衣食曰尚節儉以惜財用曰隆學校以端士習曰黜異端以崇正學曰講法律以儆愚頑曰明禮讓以厚風俗曰務本業以定民志曰訓子孫以禁非爲曰息誣告以全良善曰戒窩逃以免株連曰完錢糧以息催科曰聯保甲以弭盜賊曰解讐忿以重身命

雍正二年

御製

崇仁縣志

卷四之二

學校志

學制

吳

聖諭廣訓萬言頒發講讀

嘉慶四五年間值川楚教匪肆逆愚民被煽惑附從者眾都緣不知大義因疊降

諭旨飭直省地方官隨時隨地勤宣

聖諭廣訓

欽定律例并令明白講解務使家喻戶曉皆知孝弟忠信之懿禮義廉恥之防以正人心而厚風俗不至流入匪黨嗣後州縣官每乘下鄉公便隨時隨地宜講教官於四季分臨各鄉宜講巡檢官就所管保分按月挨次宣講講約之典益重以周非僅於城中公所恪恭將事已也

增學舍學田記

宋李劉

崇仁縣有學已久學有記則已詳矣今姑記其增廣學舍者學之址故表閒數歲爲水敗垣竝舍者乘其敗侵竊之而學之隅日蹙自明倫堂後不二三武縣黠胥冒巢焉媢聲諄語日徹於窗下士莫敢誰何之而居官者亦念不到此蓋學不棲士亦久矣嘉定甲戌冬奉議郎天台彭公耕來長斯邑始至詣學攝齊顧瞻退語其僚曰今爲民師帥崇禮而囂塵湫隘如許吾政當自此始奈帑庾赤立何邑有經租前累政且不克辦藉令吾能辦此亦惟正之供何所取材以興學校哉乃修酒政以

崇仁縣志

卷四之二

學校志

學制

七

縣用佐公釀旣嘉私權遂絕則課縣佐計其子錢儲爲興廢植僵計考鄉曲之譽得六士焉聘之爲學長諭六士者皆再三避公亦再三至其廬以義強之乃就職於是補弟子員三十每聽斷暇則躬延諸生而誨之以義禮之學校之以義理之文居無何發黠胥罪歸其侵疆自明倫堂後增直舍一區翼以庖廩廣至且百楹葺殿序之罅漏加像設之藻飾垣廡齋戶表裏一新凡百器皿悉具悉整先是學無祭服公爲按禮作大夫服五士服二十冕弁衣裳環佩帶舄總爲物二百明年秋新服旣成乃先上丁一日合邑之大夫士習釋奠於學宮濟

濟蹠蹠咸中儀矩質明葳事燦然有文邑人聚觀咸謂
自有詔立學至今百四十有三年始克備禮使得如公
輩落落參錯天下則事之廢者果足憂哉公又慮學租
素薄遂括縣之廢寺田若干畝請於部使者而歸之乃
建屋列肆爲縣學館學有交陂官田歲爲詭戶湮沒租
無所取而州額不除言崇仁不可爲者多指此公躬行
阡陌得其間荒地若干畝皆詭戶所棄者則大捐錢勸
復小新陂一所溉之買牛市種召民就佃俾以租入於
學舍遂爲良田使來者勿移之他用則學遂有養士資
士必有由學而成者其有德於吾邑甚厚故里中士相
與屬記於余余不敢以固陋辭然竊嘗謂魯僖公能修
泮宮詩頌之而春秋則以爲常事而不書也至唐之衡
山陸宰僅能爲講堂加塗墍杜少陵欲載筆記之以爲
可壓戎馬之氣豈唐人之所謂異政者乃古人之常事
歟今去唐又遠矣作縣者窮日力於催科雖獄訟且不
暇理遑及興學修禮哉而彭公雅拔於流俗力行其志
急有司之所不吾責者經紀纖悉無所斲遺其可記矣
抑公之善政不止是也謹身以率下束吏以奠民刑不
峻而清賦不擾而辦政和時和百廢具舉如建放生亭
以報君築長堤修廢堰架浮梁以便民立寶塘書院以

思政新縣宇以俟代者勗舉送司以贐舉之赴蘭宮者
葺縣圃以惠游者峙館驛以待往來者三年孜孜益無
一日不爲圖利邑人計其所締勗工堅材良皆足以壽
久遠爲費益鉅萬而民不與知則謂吾邑爲不可爲者
詎足信哉公之政固自學校始故予併記其事於學抑
以著朝廷擇吏之效明君子愛人之功且欲他日之仕
於此者知爲政在人云

者教之教不外乎經史禮律射算之屬守令亦稽其所
統弟子數時其勤惰而報之行省取其尤者升入學補
缺食餼三年大比行省選優充貢試以錄用是卽黨庠
州序之意直以三代人才望天下而豈意行之不久中
替也節錄記
文只此今按舊志載明代歷任崇仁宰唯天順朝
李大尹祥于東西北三者分建社學三區復建社學于
遠鄉之西館並建射圃于東耆之廢祠趾廣育人才有
功學校其如後任未能善繼何哉吾邦不乏好義之士
現在百廢具興獨相山書院膏伙太覺簡率胡弗力謀
興廢光前徽焉

崇仁縣志

卷四之三

學校志

書院

二

北城相山書院

前南城相山書院經費不敷久矣歷任賢侯每捐廉課士而
或豐或嗇亦間有停止道光十年後課期漸疎膏火益簿
前山長陳伯适常與同志商議勸捐一事未果於行道光
二十六年邑進士陳開第教職陳彤燮黃兆槐拔貢黃士
元舉人甘啟祥職員劉學瑀陳飛鯤袁章奏袁道增因學
宮工竣慨然有培植士林之志用特稟明邑侯廣爲書院
勸捐凡捐錢至二百十以上者許以請獎有於二百千外
更捐錢多至二百一十千者書院爲其先世立主位一座
每歲冬月請正副學師暨合邑進士舉貢並祭之前後共

得捐錢一萬五千五百餘串銀一千五百兩其中有教職
劉以忠捐入書院房屋一所契價錢八百千文銀一千五
百兩屋坐北城坪上捐後號爲相山別墅各處再加修整
又增建講堂號舍用工料錢一千五百餘串除此二項外
餘錢一萬三千一百餘串盡買田店合南城書院產業每
年利息備山長修金生童膏火之費蓋五年籌畫而事始
告成矣知縣王楷將各捐數姓名及出力首事姓名彙齊
申詳撫憲咨奏奉

旨分別給與獎敘書院章程經眾妥議於道光三十年就相山
別墅開課生童領卷各歸號舍書院備饌兩餐山長扁門

崇仁縣志

卷四之三

學校志 書院

三

禁止出入是年山長俸錢及生童膏火俱有加每年十課
爲率正副課膏火以初次甄別爲定咸豐三年邑侯劉禧
源照府省書院例改爲每月旋轉自兵燹後書院店房毀
敗不一各田租亦有拖欠邑侯陳紀麟於一切費用概行
裁減生童膏火不充每年捐錢百千資助後任盛銓張邦
杰並因之於是書院所需免形支絀院中經髮逆損壞處
亦得稍加修葺惟南城書院則毀拆一空僅餘旁屋數間
而已因改相山別墅之額爲相山書院云

社學附

義學

在南城瓦子堆卽新興寺舊址雍正六年知縣陶士儂
建自記乾隆四十三年以右半地基爲丞署詳公廨

草廬書院

在南城東者小港下李梅亭御書閣前元後至元

邵菴書院

在縣北郭元至正中監邑重喜建久廢後即遺址

社學

明天順初提學副使李齡檄所部興立知縣李祥建東

家巷後改善修觀建北者社學於招隱堂廢址後改四賢

祠建西館社學於舖左道旁俱久廢萬歷間知縣陳瑛復

射圃

明天順七年知縣李祥建於東者三皇殿廢址方廣三百餘步立亭曰觀德久廢

北城書院條規

一山長每年由官關聘乾隆年間歲給修金錢五十串後

續增至捌拾串道光二十八年創建新書院又增至壹百

貳拾串近因公費不敷每年送修金錢壹百串

崇仁縣志

卷四之三

學校志

書院

四

一做課老書院每年四課道光二十八年創新書院酌定每

年十課近因公費不敷多少不等

一做課初次由官甄別取定老生正課十名附課十名童生

正課二十名附課二十名送入書院肄業其膏火即以初

次為定嗣因邑令劉禧源改為每月定課增取老生同

課十名新生同課十名凡列同課者不給膏火以示鼓勵

自後因之

一膏火正課每名給錢捌百文附課給錢貳百文每課老新

生共膏火錢叁拾千文

一官課獎賞由官給發師課老新生各取前十名第一名賞

錢捌百文二三名賞錢四百文四名至十名各賞錢貳百文每課共賞錢六千文由書院發給

一開館於考試甄別後請官定期出示前一日首事具全帖請官同山長謁

聖請兩學師陪飲夫馬一切俱由書院給發

一祭祀定期於十一月初四日先期首事具帖請兩學師主祭與飲着館人向各主位系下各請一人與祭與飲又着門斗請縣中進士舉貢陪祭與飲祭後送兩學師胙肉各六觔主位每座五觔進士舉貢每人貳觔并門斗禮房聽事隸各給胙有差

崇仁縣志

卷四之三

學校志

書院

五

一開館日凡錄送肄業者老新生每名給酒費錢貳百文書院規模

一南城書院屋四廳二十餘間前有圍場有廚房廚房外有菜園一所旁有館人住屋二棟西北角藕塘及塘岸空基皆書院管照其頭門外以廢城腳大路爲界今俱廢又書院後棟地基共濶五丈深三丈悉消橋例授廸功郎黃元戢捐助頭門外地基廣三丈深九尺悉鄆巷太學生方浩然捐助今正屋盡毀惟館人住屋尚存

一北城書院計門廳一講堂一廳二間講堂後返照一所返照後倉房一棟左邊廚房一所船廳一廳四間門廳左邊

館人住屋一棟門廳左邊旁屋一所又左邊菜園一大片
船廳前藕塘一口又講堂右邊考棚一所上下兩廳中設
號板以爲諸生應課之地髮逆竄擾號板折毀

寶唐書院記

明 吳道南

寶宮尊經閣後相去數十步許爲寶唐書院迺謝王氏
承夫守邦之意爲之其子宗元又善體母意而成之者
也先是書院在布政司分司行署右後因其頽圯遂以
正基拓分司旁地鞠爲蔬圃鄉之士大夫輒懷興復而
難其所已而剏城垣逼鬻序當事者欲深遠之更益以
按察司分司行署廢址學始恢恢乎有餘地僉謂書院

堪於此乎建有所矣迺無或敬應豈其振率有待而
然抑以吉祥善事將屬諸世慶之家也幸賴邑侯平江
李公慨然以興起斯文爲已任值茲曠舉徧上其事於
府司道院咸加懋賞又其父王紹忠叔紹惠相與咸勤
遂不日而功成焉其制前爲大門三楹軒豁偉麗足以
樹觀中爲講堂五楹高邃爽塏足以合同志後爲文昌
閣五楹映宿干霄足以資曠覽最後爲鄉賢祠斯文未
喪精爽如存後起者豈有志於斯文高山之仰止可思
已閣之前翼以廊房四楹堂之前翼以號房八楹重門
洞啟高墉環繚徘徊四顧當不甘爲宮牆外望也是役

也經始於庚子之冬落成於辛丑之春計竹木之費七
百零二兩強計磚石瓦鐵油漆諸料之費二百零六兩
弱計工匠夫役水陸轉運之費二百八十兩強役書既
具李侯將勒石以紀歲月迺屬不佞爲之記余惟謝母
孀居二十餘年能捐貲以成夫宗元失父甫期能慕義
以成母亦足以見我邑之流風遺澤猶及於單門孺子
已惟是華蓋臨川皆邑之名勝胡不此之標而獨以寶
唐爲蓋崇之水以寶水爲源水源必遠夫然後達川放
海混混乎歷晝夜而不竭道之流行天地間亦若斯焉
已吾鄉先正如文正草廬公聘君康齋公所爲先立大

以明宗務躬行以歸實上承既往下廸將來其源派亦
于百世而不窮是以下里末進竝遵其教月會文試課
之外復居業有所熟仁有會固以仰先哲之芳規實生
心之不容已非獨有其舉之莫敢廢也余因是而進焉
夫道生於一水亦生於一洙泗之上萬古之道源統是
矣已又衍爲濂洛衍爲關閩今又衍爲寶唐道亘古而
不分派歷今而宜辨余願邑之學者遠元虛之莽蕩撤
意見之藩籬獨都要會舉其所謂大且實者嚴惟而不
式之言言中窾事事歸根由寶唐上溯濂洛關閩由濂
洛關閩上溯洙泗生則映秀文昌沒則流光俎豆用期

無愧於兩吳先生之鄉庶其不負邑侯之嘉惠與謝氏
母子所爲鼎建意與

送入寶唐書院公費記

明李紹春

崇爲故豫章名邑自草廬康齋二公先後以理學振起
迨於今而沈酣性命蜚英鼎觀者尤偉然在望洵彬彬
鄒魯之區已顧舊有寶唐書院頽廢日久遺址僅存輒
議修復而艱其費適謝氏之媵王氏與其子宗元慨然
願捐獨建不佞私心義之以其事聞於上僉得報可而
諸弟子員共推王氏之叔紹忠紹惠者董其事不逾年
而工告成然猶慮院中公費靡給適邑民劉愷六輪縣

前店租銀五兩六錢又清覈東耆四圖吳昂六盧欽四
應入官銀四兩九錢二分零余因並送入院以備費是
役也其經費本末與夫王謝相成之美業詳列吳太史
公志無容贅矣迺諸君共慶斯舉猶復問余言以記豈
以余之頌禱或有出輪奐堂構之外欲取規璣爲助乎
余覽觀書院之制後爲賢祠奉鄉先生而尸祝之前乃
學宮仲尼之車服禮器儼然在焉語曰善射者必審鵠
茲非其的與夫孔門之教以求仁爲先向讀吳太史公
序熟仁會語與洙泗之旨合派同源知諸君遊斯堂者
已得門而入室矣則余亦安能外熟仁之說以請益也

耶予聞松柏以操桃杏以華蘭桂以馨而非穀無以飫
民生節義之勁事功之赫文章之麗而非仁無以立民
極故士之於學猶農之於田談農譜以俟有秋禱禱服
矣錢鏐序矣必荼蓼有薈螟螣有畀早有漑而潦有洩
然後百穀用成仁也者人也又曰仁人之心也心如穀
種熟之者必勿忘勿助循先正穀率以中大成之鵠俾
本來真性無餘無欠收斂得淨自成自熟而立達盎然
充擴得去天地變化草木蕃將家握蛇珠世瞻鳳彩而
滂所砥礪之區茲院且華增高而汝增深矣不其休哉
因敬襲所聞於吳太史公者申之同志祈自附於蛾術
之秘云

崇仁縣志

卷四之三

學校志

書院

九

義學記

國朝邑侯

陶士儂

古者家有塾黨有庠術有序萃智愚剛柔高下不齊之
質陶冶其中春絃夏誦藏修游息習而安焉不見異物
而遷焉傳曰處士就間燕以定其居以飭其學專其耳
目心志防其動靜游處如農居野無越畔而荒如工居
肆罔舍業而嬉也今

聖天子文治日隆菁莪棫樸之風遠軼往古其通都大邑以
迄山陬海澨悉蒸蒸向學顧或譽髦雲集鼓篋無地莫
爲養育而振興之謂非牧其土者之責歟崇仁固文獻

邦也舊立有義學在縣署側湫隘囂塵不可以居十數年來爲廢壞矣余以丁未承乏茲邑撫其遺址思構新之越明年偕同官暨縉紳父老謀爰得民城西者之隙地爽塏而平衍捐俸築室上建樓一座下列屋五楹兩旁各翼以三楹凡講堂寢廬絃誦之席薪爨之房畢備周園而垣之室旣成延師董教其中百里內外寒裳時至余因進而告之曰諸生知建學之旨惟是論文校藝揆藻摛華如何劉沈謝高言博雅已乎德行本也文藝末也昔人十五而入大學自身心意知以及國家天下之理巨細不遺顯微咸貫故明體達用處則有守而出

則有爲崇邑往代不乏名流矣前有草廬後有康齋獨孜孜以天人性命爲學今其書具存其流風餘韻未泯世非遠而居相近士果能鼓舞振興而學焉勿鬪於華靡勿狃於功利舉智愚剛柔高下不齊之質相率而偕諸大道黨塾庠序之遺意其庶幾乎諸生悚然請以是言鐫諸石立於學舍之旁俾有所觀感焉是役也相地庀材始於戊申秋季三閱月而告竣計費百五十金有奇與余協謀倡始者廣文裘君名思通而課工趨事則太學生黃佐任其勞也因并記之

